



In dumënia ai 01 de Má é gnü sughé la 7° partida dl ritorno dl campionat 2010/2011 de 3° categoria por La Val. La partida é gnüda sugada cuntra la squadra da Raas (squadra cunesciüda bel da plü agn te campionat) in óiasa. La partida é jüda fora 4 a 1 por La Val. Na bela vitoria y importante, deache Raas recorda ciamò la burta partida dl andata ulache La Val á purdü 5 a 1 y ulache al é gnü a mancia le respet sportif da pert de chi da Raas.

La Val resta tres ciamó imbatüda tl ritorno sides de copa provinzia che de campionat. Cuntra le Raas é gnü fat de bi goi. Bel dô da 5 min é Rubatscher Romeo sön en calcio d'angolo bun da oje le pal de cé te porta y porta insciö La Val sön le 1 a 0. Püch dedô ti garet a Frenes Daniel en "eurogoal". Dô che al é stè bun da salté dui defensursc fejel en gran tiro da na posiziun dër angolada (dlungia le piz dal angolo). Le bel tiro röia sura le protier ite y se infilëia tl incrocio dla porta. En eurogol che porta La Val sön le 2 a 0 bel dô da na cherdora che la partida á metü man.

La Val ne lascia nia pormez i atacanç dl Raas, la gran difesa solida dô ia cumana da dal capitano Alex Alton é buna da gni gonot fora cun le pal bas y porvan da sughé. La Val ne á nia assa ma de dui goi, mo ai prô ciamó da tin fá ite. Na bela testa indô de Rubatscher Romeo röia sön le palo, sce la pala foss stada enpü plü ota cuntra la porta fossi stè le 3 a 0. Le gran pressing ince di atacanç da La Val á porté plü gonot a fai di defensurs, che á sbaglié insciö ince i passaggi plü elementari. Ciamó tl prüm tēmp ti garetel a Sottara Stefan en gran tiro al volo, sön na ribatüda dla difesa, le bel tiro cun effetto röia sön la traversa, le portier da Raas foss indô sté batü. Ala fin dl prüm tēmp é ciamó Rubatscher Florian che röia dan le portier, cun en bel inserimento, le tiro de potenza ne ti lascia degüna oportunité al portier, chësc é le 3 a 0. Le Raas ne röia gnanca un en iad prigorusc ala concluiun. Le prüm tēmp se stlusc jö sön le 3 a 0.

Tl secundo tēmp é La Val che pro da gesti la partida. Le arbiter mēt man da sciuré dūt cuntra La Val. Al tol ince fora trēi gheles indūt por i sogadusc da La Val (Tavella Thomas sōn na tratenuta, Tavella Jordan sōn en pice falo y Frenes Daniel deache al á sciuré dmez le pal). Deplū contropiedi de La Val ne rōia nia al travert, scialdi por via de "fuorigiochi". Elzenbaumer Alex á ince la poscibilité da fa gol, dô che al é sté bun da jí dmez a en defensur dlüngia l'angolo cun en bel dribbling, röiel cuntra le portier. Al pro da le piazé sōn le prüm palo, mo la pala rōia bel avisa sōn le palo, na gran oportunité da stlū jō la partida. Püch dedô ti garetel al Raas le prüm y unico gol. En tiro fora dla area che vëgn devié dui iadi ne ti lascia degüna oportunité a Merch. Cun chësc gol pel che la partida se daüri indô. Al 75° él Alex Alton che tira na bela puniziun, le surëdl bas destürba le portier da Raas, mo la pala é indô ruvada sōn la traversa. Mo 15 min dala fin ti garetel impó le gol a Elzenbaumer Alex, che rōia dan le portier, sōn en beliscimo pasaggio de Verginer Franzì. Alex la piazëia sot les giames dl portier fora.

La partida se stlūsc jō sōn le 4 a 1 por La Val. Cun chisc trēi puné davagná se porta La val al 4° post te tlassifica.

Cun chësta bela vitoria jará La Val in dumënia sō La lla por scfidé la squadra dla Val Badia, che é prüma tl campionat, cun na gran grinta y porvan da fa na bela paritda. Al sará zigü na bela partida, trames dōs squadre porvará da fá en bel jüch bas y veloce, cun beles combinaziuns. Nia sciöche an é ausá da udëi scialdi pro dütes le squadre pustres, che süga tröp cun pales altes.

La formaziun titolara dla partida:



Al 7° partida cuntra Raas, el ganador es Florian. No olvide para seguir y resultados de las otras partidas clicca. [Resultac y tlassifica](#)